



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ;
Orthodoxorum Medicorum Patrono.

QUÆSTIO MEDICA.

QUODLIBETARIIS DISPUTATIONIBUS
*manè discutienda, in Scholis Medicorum, die Jovis sextâ
mensis Februarii Anno Domini M. DCC. XLIV.*

M. MICHAËLE - LUDOVICO VERNAGE,
Censore Regio, Doctore Medico, Præside.

An maligna Febri saphena scilicet, Emeticum?

I



FEBRIS frequentissimus morbus, inflammationis comes individuus, omnium ferè acutorum morborum *essentia*, chronicorum *synptoma*, illorum effectrix, horum effectus. Illi sanescunt, dummodò causa Febris valis fugerit, hi non eraduntur, nisi causa morbi, viscerum recessibus impacta, eradicetur. Frustrâ Febrem horum affectuum comitem specifico debellare conaberis: ni morbi *essentia* idonea aptes, & amico jungas sœdere, medendo ægrescit. Febris non unus & simplex, sed multiplex & varius, pro typo, more, ægri ætate, *idiosyncrasiâ*, tem-

A

pestate, epidemicâ, constitutione, & symptomatum, quibus stipatur, serie & indole, morbus. Quoad typum, in varias abit species, incendii continuo, aut interrupto tenore, accessionum ritu dissimili, publico, aut privato viscerum damno. Indè nota in continuam & interpolatam Febris distinctio. Continua nonnunquam quo exarshit die extinguitur, nonnunquam in plures porrigitur. Ephemera cognitu difficilis, curatu perfacilis, levis in victu erroris, suppressæ, aut imminutæ, egestionis soboles, utilis ut plurimum morbus evadit; naturæ enim molimen est, quo sanguis quas circumvehit fordes, circuitui moras, secretionibus obices nexuras, & omne vitium excoquit, sponteque in corporis oras abigit; ideo sæpè unâ luce transactâ, si sudor erumpat aut diarrhæa superveniat compescitur, non reditura. Quæ in plures excurrit dies, si exacerbationes certis reviviscant periodis, continua audit periodica; si incertis, vaga & erratica, cui si frequens & inordinatus rigor intercidat, interni sæpè abscessus pathognomonicum est signum. Pro more benigna est, vel maligna Febris. Illa sæpè cum impetu minax proludit, & ad serenitatem citò vertitur, ni ægri incuriâ, aut ex lege medentis methodo invalescat & exasperetur: hæc mendax & insidiosa, falsâ benignitate ægrum decipit, securos fallit assidentes, Medicumque incautum & futuri ignarum ludit. Quæ manifestas laboranti naturæ præbet inducias, statim accessionum & decessionum vicibus excandescit, à continuâ non typo tantum, sed materie & foco discriminitur: qui enim corrupti humores assiduo è primis viis appulsi in sanguiferis vasibus ferment, continuas; qui in bilis secretoriis, lymphaticis vasibus remotisque à corde alveolis putrent, ob recurrentem novam statim periodis fermentationem, intermittentes gignunt. Continuis magis obnoxii floridâ ætate videntes, & quorum feroci bile turget sanguis: intermittentibus, & imprimis quartanis, annis graves, temperamentoque segiores. Verè tumet sanguis, & se suo æstu desumpat; indè Febrim cohors, & varia *exanthemata*, quorum hæc tempestate facilius eruptio, felicius exitus. Sirio ardente causus urit, maligna deflevit. Autumno morborum ferace, diuturnæ & pervicaces quartanæ vigent, quæ in hyemem producitæ, sæpè in hydrops degenerant. Has qui solis febrifugis penitus excidere sibi confidunt, excutit, & ægrum vanâ spe læstat. Hæc aperientibus sociata mutuum sibi ferunt opem. Acri hyeme, inflammatoriæ Febres, ut pleuritis, peripneumonia, angina, quas parit interclusus insensibilis halitus, grassantur. Quæ epidemica, nempe ab æris intemperie, & ciborum vitio, damnosior: quæ huic aut illi singularis, mitior. Febris denique variat pro affectûs *essentiâ*, affectû partis præstantiâ, & insolenti symptomatum ferocitate.

I I.

QUI Febris causam nescit, hunc sanguinis natura latet. Abditam qui putat, nodum in scirpo quærit, sanguis ex dissimilibus quas promiscuè volvit, partibus, mole, figurâ, usu, & intestino conflictu dissidentibus, mutuâ contemperatione consentientibus, coalescit. Partium diversoria perlabendo, unicuique demensum largitur, proprio Marte cudendum, & juges instauraturum expensas, excrementum, vel frænum intestino motui injecturum, vel additurum stimulos, seponendum desert incerniculis. Quot excernendis scatet, tot corpus colis, vel intro apertis, vel extus hiantibus, præmunitur. Ea est affabrè textorum incerniculatorum diversitas, ut ex iis utiles, functionibusque obeundis idonei liquores in vasa resorbentur: rudes, necdum elaborati, incudi reddantur, novas eundo vires acquiruntur; luxuriantes aliquè exhalent; dissociabiles protrudantur. An varia pororum grandularum configuratio, liquoris molis, figuræ congrua, diametrorum diversitas, peculiaria fermenta singulis affecta glandulis, mirum secretionis

opus conficiant: an humor à natalibus³ secretorijs inditus, succo segregando congener, qui sibi affinem imbibat humorem, aversum dimoveat, sub iudice lis est; ultima tamen, ut potè ingeniosius efficta & verifimilior, magis aridet. Omnium functionum norma est *circulatio*, *circulationis* meta, secretio, fecernendorum opifex, fermentatio; citò enim sanguis quoquoversum meabilis, obices sibi objiceret, & tandem stagnaret lutulentus, ni jugis principiorum, quibus viget, mobilitas, lenisque lucta inertes & otiosas partes incitaret, harum præpediret cohesionem, puras ab inquinamentis fecerneret, superfluas insensibili evaporatione detereret. Fermentatio & circuitus, dispares licet motus, amicè fœderantur, cum ipsos inter certus est commensus, æquumque libramen; tunc sanguis inoffenso cursu circuit, & functiones corporis intrà modum stant, quem ultrà citràque nequit consistere recta valetudo. Si verò heterogeneorum humorum adventu, quorum sæpè immensam congerit molem stomachus, delirante appetitu plexus, illos inter motus, discordi concordia junctos, gratia dissiliat variè pro diverso fermentationis errato, morbi ingruunt. Languentes inspissantur succi, recto tramite non aguntur, lymphæ imprimis tenax reddita & diditu difficilis, in suorum inflexu vasorum pigro lapsu repens, obliquis sibi innectit moras, varioque infarctus, chronicorum morborum, qui remediorum vim exercent, parentes ingenerat. Vividiore, sanguis exarsuans ita rapido & abnormi motu abripitur, ut glandularum ostia præterlabendo transiliat, & varia, quibus turget, purgamenta secum revolvat confusaneus, donec vim viribus exciens natura, proprio molimine, vel arte solerti, ad hujus magisterium & exemplar composita per varios helices vacationi convenientes exigat. Cum intrà vasorum cancellos fluctuante morbi causa, sanguis tumultuatur, in ipsorum parietes tantum arietat, & singulis partibus æquè insensus huic illivè labem non inurit, Febris continua simplex accenditur, cujus à nativo calor non gradu tantum & materia, sed & naturà discrepat. Si verò propriis claustris coerceri impatiens, cum in sanguiferorum vasorum Mæandris primitus sisti nequeat, quoddam major collectivè sumptis propaginibus, quam truncis, insit diameter, lymphaticorum ostia soli lymphæ pervia pulset, globulos intrudit retorto motu irremeabiles, quorum irruptio pacatum illius liquoris fluentum irritat, liberum præpedit cursum, inflammatoriam Febrem accersit, pro partis textu, præstantiâ, inflammationis gradu, magis minusvè periculi plenam. Inter inflammatorias, quæ primam in cerebro sedem figit, & omnibus minatur partibus, maligna nuncupatur.

I I I.

MALIGNA Febris non quòd in ægri præcordiis veneni quid defæviat, vel malignam ægro assidentibus afflet auram, sed quòd, velut ignis dolofo cineri suppositus, tacite serpat, & se cæco intus æstu, miti extus calore malignè diffimulet; ideâ & ingenio, ob symptomatum anomaliam, à cæteris Februm speciebus dissidet, nec ab ipsissimâ peste, nisi ob remissiores gradum, discriminatur. Varias se vertit in facies variis illusura modis. Deterioribus quam pro febrili fervore, stipata symptomatis, modò sub pleuritidis larvâ inchoat: æger dolore punctorio laborat, tussis ferinâ lacessitur, sanguinem excreat; modò abdominis inflammationem colico dolore mentitur, quæ in eo à systrophicâ discrepat, quòd non intentum, sed tumidum & prominens, vix pressu doleat, & renitatur; urinæ à sanis non abludunt, nisi quod vix ullum citò futura cõctionis, aut sperandæ criseos indicium præferant. Sæpè tertianæ intermittentis, sæpius continuæ, utriusque non rarò particeps, alternis diebus vehementiori exacerbatione, cujus prodromus est

rigor recrudescens, hemitritæ formam induit. At virium repentina prostratio, capitis gravitas, fugax sæpè delirium, oculos, & in arte recoctos, non essentielles esse morbos, sed Febris malignæ symptomata evincunt. Sunt quos specie tenus valentes, verùm intemperantiæ vitiiis onustos, repentè incautos obruit formidolosa. Plurimos manifestâ functionum læsione comminutos adoritur; multis antè invasionem diebus membra ingravescent; acrior est naturali calor; altior premit somnus, qui lassitudinem non levat, sed laborem facit; tumultuosus jactantur somniis; nocturnus sudor vel ipsos nimio uti alimento, vel purgatione indigere comprobatur; marcet animus; torpet corpus, spontaneis lassitudinibus quassatur; lancinante, gravativo capitis dolore conflantur. Turbato sensum functionum rhythmico, Febris cum rigore, sæpè vix sensili horrore invadit, quem mox non urens, sed aded levis calor excipit, ut vix se febricitare sentiat æger: pulsus naturali similis, sed exilior & crebrior; urina colore, copiâ, instar sanorum, sed crudior; subita & absque ratione virium depressio; mentis stupor, sensuum hebetudo, ingens denique corporis pondus Febris malignitatem exhibent. Quò major, in primo insultu rigor, eò contumacior, & periculosior Febris. Si in primordio, sudore diffluat æger, cum non tam maturi, subactive sit succi vacuatio, quàm crudi, luxuriantis, & seri, sanguinis vehiculi, expressio, morbi diuturnitatis, periculi index est. Si diarrhæa laborat, cum boni moris, cocti nempe & biliosi humoris deturbatio minùs pervicacem, felicitiùs exituram portendit; hanc permittere, fovere, augere, si subsistat, promovere, notum in arte neophytis; comprimere, soli licitum se Medicum tantùm professio: cum mali moris, crudi scilicet, & cruoris intertexti lineamentis humoris profluvium, non coërcere stypticis, sed avulsâ, diversæ indolis mochlicis, quæ juscula, variasque potiones inquinat, materiâ, compescere artis apex est.

I V.

OCCULTA, nascente morbo, Febris, progressu, vires sumit & exerit, varioque conspicuam se reddit, in ægri perniciem, symptomatum satellitio, nî à provido & multum celeri artifice, in ipsismet morbi incunabulis, cautum sit. Exiguus, & submissus in primo impetu pulsus, intensior, citatior evadit, quòd spumosior & in vasorum parietes irritabilior insurgat sanguis, repetitis vasorum ictibus refractus fortius urgeatur, rapidiùs volvatur. Carotidum vibrationes brachii arteriarum pulsibus vividiores, quòd insilientis in cerebrum sanguinis commeatui obices & repagula occurrant. Urinæ priùs copiosæ & limpide, plerumquè rariores, rubræ, sæpè instar jumentorum turbidæ effluunt, quòd impeditior excernendorum, bilis præsertim, cujus in hoc morbo coërcitæ & vitiatæ magna vis & potentia, secretio, protrusio, major proindè humorum confusio. Corpus mordax calor deurit, quòd compressa insensilis, quæ cutem irrigat, evaporatio, vel inordinatus digerit sudor, quòd strictior priùs sanguinis compages dirimatur, & principia dissiliant. Musculorum tendones, brachiorum imprimis obrigescunt, subfustibus concutiantur: manibus tremor incidit, vox tremula convulsionis, ferrox delirii auspiciu, quòd impetuosior, inordinatior in nervorum systema spirituum influxus. Sitis aut nulla, cum intensâ Febre, quòd sæpè mens laboret, aut inextinguita, & febrilis caloris modum exuperans, quòd paucior & acrioris salivæ proventus; lingua aspera, exusta, cum pulsus mollitie, ficitate finditur, interni signum & effectus incendii. Mens unâ cum corpore prægravatur. è suâ sede dejacta oberrat; ad se non redit æger, nisi admonitus, mox incondita, nil coheren-

tia locuturus. Caput gravi sopore detinetur, in quem excussus citò relabitur: su-
 rrans sonitus aures ferit, sæpè furditas occupat: facies à naturali multùm aliena,
 livore inficitur, quasi corrugatur, vix in Febrijs augmento rubore suffunditur: ocu-
 li modò flammei scintillant, modò erratici languent; injussæ nonnunquam prosi-
 liunt lacrymæ. Sunt quorum in remissione Febris corpus universo tentatur fri-
 gore, segui torpet verno, lecto affixum hæret immobile, in exacerbatione an-
 xios, delirio quasi cæstro percitos, æstuosa torret Febris impotentia. Nonnul-
 lorum, externis algentibus, interiora uruntur, quòd sanguinis major in in-
 ternis vasis, quàm in externis, æstus fervorem fervorisque sensum intus
 adaugeat; quantò enim vividius bullit, tantò acrius, salinarum collisum mo-
 lecularum, internæ partes ignescunt. Sectâ venâ sanguis primò stillat, mox
 exilit spissus, inflammatorius; hanc ægrè fert primis vicibus evacuationem æger,
 in lipothymiam sæpè concidit, non quòd exhaustæ vires deficiant, sed quòd sub
 luxuriantis, & humorum æstu turgentis sanguinis mole gemant: impurum enim,
 & plethoricum corpus eundem ac effectum mentitur debilitatis sensum: ideò re-
 peritâ *epaphresi*, quasi ex præcipiti levatæ resarciuntur; quantum enim febrilis mate-
 riæ cum sanguine demitur, tantum viribus additur. Parvum è naribus cruoris stillici-
 dium altius in internis cerebri vasis impacti, vix præ lentore currentis, illabente ju-
 giter tenaciore firmati, & in externa redundantis sanguinis est indicium. Huic
 succedaneum cum nervorum distentione delirium sapissimè ultima vitæ linea. Tumo-
 res nonnunquam circà alas & inguina, post aures imprimis erumpunt. Difficilè ma-
 turescentes, retrocedentes, ineluctabilis fati omina; prominentes, in suppura-
 tum abeuntes, cerebri infarctus vindices. Nonnunquam cutis in pustulas attolli-
 tur, vel maculis deturpatur; pustulæ vel quasi asperitates ut vesiculæ seminis mi-
 lii speciem præ se ferentes, vel sudorum papulæ *id pœæ* vocatæ, quæ cuti sublimes
 non suppurant, sed exsiccantur, vel varis similes, si in acutum fastigia-
 tæ, rubro circumcinctæ circulo, tempestivè maturescentes, distinctæ, nul-
 lis inimicis ecthymatibus aut petechiis interspersæ, cum fausta sint sanguinem de-
 fecant, & morbi fermentum in corporis peripheriam extrudentis victicris na-
 turæ molimina, in salutem decretoriæ; si sessiles, confertim erumpentes, citius
 maturescentes, erysipelate, herpete miliari & variis maculis intertextæ; cum irriti
 sint morbo succumbentis naturæ conatus, exitiosæ: quæ non eminent, sed cu-
 tem tantùm inficiunt maculæ, vibicum instar, vel pulicum morsuris similes, cum
 ultrà modum rarefacti, soluti, propriis limitibus contineri impotentis, & in lym-
 phatica cutis vasa irrumpentis sanguinis sint effectus, cohibita transpirationis cau-
 sa, insensibilis; pro vario colore, nequiores. Sunt quos hujus Febris essera
 vis citò rapit, non ultrà septimum diem excurrit morbus, plerumque vix antè
 vigesimum judicatur, sæpè ulterius prorogatur. Cum enim clam & obscurè irre-
 pat, nec repentè ullâ crisi solvi potest: par enim ortus & exitus ratio. Non-
 nullos, longâ dierum serie intentis præcordiis, capite quasi lymphato, omnibus
 sensibus funeratis, pulsu attrito, tendonum subsultibus obscurato, vix in exacer-
 bationibus, quæ crebrè recurrunt, micante, spasms, indefinente delirio lacerat-
 os; hæmorrhagiâ, universo sudore, tutius biliosâ diarrhœâ, quasi ex ipsismet
 funeribus, si principiis præsertim legitimè oblitum methodo, emeruisse usus pro-
 didit. Si in cerebri meningibus primam fixit sedem inflammatio, cum densa, contra-
 cta, sensus & *claterii* compos sit ipsarum compages, vividior est Febris, acrior calor,
 strictior pulsus, capitis dolor lancinans, rigidiores tendones, crebriores subsultus, &
 tumultuosior insania ingruunt. Celerior coacti sanguinis, & in lymphatica incu-
 neatæ vasa resolutio, vasorum expeditio, corruptio extravasati liquoris, menin-
 gum sphacellismus, citior proindè morbi exitus, Si cerebrum occupat, cum mol-

lis, laxa, virtutis resilientis expers, & insensibilis, licet sensus fons & organum, hujus visceris substantia, inollior pulsus, minor calor, gravans capitis dolor, fugax delirium, rariores spasmodici motus, coma denique vigil stipantur; infarctus sanguis non adeo flammam inurit, impedita seriùs explicantur vasa, inflammatio nonnumquam in suppuratum vertitur, vel cerebrum exundante sensim sero submergitur; productior ergò morbi eventus. Si cerebellum ab inflammato cerebri pondere nimis comprimitur, aut in ipsius substantiam serpat phlogosis, functiones vitales præsertim læduntur, frequens est cordis palpitatio, pulsus tremulus, respiratio crebrior & difficilior, lypothymia quæ cardiacorum & lili præsertim vim exposculant, superveniunt hypochondriorum tensio major, crebriores tendonum subsultus, sed delirium rarius. Apertis malignâ Febre extintorum cadaveribus cranio dura, cerebro tenaciùs inhaerens pia meninx, vasa, quibus contextitur, vel oculorum aciem fugientia, varicum instar, sanguine distenta, rimosa, cerebri raro pars purè exesa, anfractus ventriculi sæpissimè sero turgidi, illæsis sæpè cæteris visceribus, deteguntur.

V.

EX hâc compendiosâ symptomatum, quæ malignæ Febri assident, & diverso gradu, variis morbi temporibus grassantur, syndrome, hujus causas depromere peculiarem assignare focum non arduum est: his perpenſis idonea colligere, & aptare remedia non operosa plenum opus alex. Sanguis nempe vel malè elaboratorum succorum, quorum vitiosum sæpè cudit apparatus, primæ coctionis error, cæterarum functionum læsionis opitex, vel retenti pravâ alicujus incerniculi diathesi tacitè crescentis humoris congestione gravatus inspissatur & lentescit; crassioribus nec subactis imprægnatæ partibus sanguineæ molis fibræ arctioribus coeunt nexibus, coactæ, & in minimis vasorum cerebri tubulos, cujus oram densissimis ubiquè rivulis perluit sanguis agrè protrusa moras neclunt tardigradæ & eo facilius intrincantur, quòd minor sit ex parte vasorum, quorum imbellis elater, resistentia, celeri & expedito prohibitus commeatu sanguis vasa adeo tumefacit, ut hujus visceris quibus intertextuntur, glandulas coarctent, medulares anfractus plus æquò comprimant, & exilissimos nervorum canaliculos constringant. Denſior sanguis & minus vegetus vix subtilem pro spirituum materiâ laticem instillat. Spiritus, quorum varia pro sanguinis crassi, indoles, liquorum motus & partium vibrationis auctores, nec jugitèr fecernuntur, nec in partes assiduâ morione radiant; undè pigra & imperfecta excernendorum elaboratio, secretio: colorum otio, excrementorum mole pressus sanguis, magis ac magis sordet & concreſcit; æquabilis & ordinatus liquorum, qui sanguinis inspissationem summâ commutationum crebritate præcavebat, confluxus, partium consensus turbantur; reciproci motus languent, sensoria stupent, indè derivata virium jactura, & pulsus debilitas, quæ quantum in hoc morbo impedita sit natura, & artis indiga indicant: jugi crudorum accessu, & heterogeneorum in vasibus profluentium humorum tumultu sanguis effervesceſcit, & cum eò gradu tardentur secretiones, quo incitatur fermentatio, excernendis fetus tumultuatur, bulliens cor & arterias vividius ferit, vasa pressis reluctantur ictibus; in cerebrum jaculatus jam tumefacta distendit vasa, globulos in lymphatica sprotrudit, intrusos altius incuneat; distenta vasa nerveas comprimunt & concutiunt fibras; non rectus sit, sed divaricatus, non jugis, sed interruptus; non undulatorius, sed impetuosus in nervos spirituum influens; indè delirium, spasmus, coma, & cætera malignæ Febris consecraria symptomata emergunt. Venæ sectio in genere luxuriantem circumcidit sanguinis molem,

æstuantem compescit, Febrem non curat, sed curationem parat, & purgans, quod continuæ fomitem radicatus avellit, prosperos ducit ad exitus. Derivans seu parti affectæ propioris, aut cum eâ magis consentientis venæ sectio, si morantem in parte non educit sanguinem, aut rapido novi torrentis affluxu non abducit, ipsam prægravat, & vel ingruentem accersit inflammationem, vel factam adauget. Revulsiva non motos tantum sanguinis fluxus componit, sed mutatâ determinatione, ipsius in infarcta vasa incursum recludit: tutissima enim est fluxionum medicatio, sanguinis influxum in laborantem partem tardari, refluxum citari, hæc certa sunt revulsivæ beneficia. In malignâ Febre caput vehementer impetit sanguis: segnius, nec eâ, quâ cerebrum subivit copia, præ obicibus in comœatu objectis, venis reorbetur; allatâ saphenæ sectione prout ægri vires ferunt, & morbi symptomata exigunt, repetitâ, inferiori vasorum circulo inanitate, celerius & uberius juxta inconcussam motus legem, versus tuxâ venæ partem sanguis prolabitur, lentius, parcius in contrariam insilit: sanguinis mole levata cerebri vasa resiliunt, morantem subigunt, infarctum terunt, eliquatiorem efficiunt & in venas trusum circuitui reddunt: compressæ se efferunt glandulæ; facilius secreti, evolutiores, & in universum corpus insuli spiritus operata recludunt incernicula & partium instaurant tonum. Frustrâ saphenæ sectione exundantem tenuare sanguinem, & in cerebri valis impeditum revellere allaborabis, ni citò Febris fomitem purgante subducas; humorum enim igniculis rarefcens & expansus sanguis majus, quàm luxurians, in vasis spatium occupat, vehementius in ipsorum parietes impingit, & cerebrum vividius impetit, novos infarctus & inflammationes illaturus. Ut tempestivum sanguinem educendi tempus exacerbatio, quod tunc orgasmo percitus sanguifera nimis distendat & irriter vasa, lymphatica irrumpere aut rumpere minetur, oppressas ægri vires erigat, & huic ferendæ vacationi pares reddat: sic molliissimum purgandi remissio, quod tunc deferente sanguinis æstu, fluxilius corpus, laxiores, quibus liber humoribus pateat exitus, semitæ, placidior humoris morio, major in viis purganti obviis collectio. At ea est in malignâ Febre altius immersæ febrilis materiæ tenacitas, & partium eretismus aut inertia, ut cathartici irritam vim reddant. Catharticum igitur humores movet, non promovet, nec infarctos valet meatus referare. Præstantius contra & efficacius in hoc morbo remedium mochlicum, si prægressa imprimis in primo morbi impetu vomendi proclivitas: purgantis enim & stimuli vices gerit. Ideo licet nec mole spectabilis, nec qualitate insignis sit vomitu reëctaneus humor, tantum agro levamen affert. Dum enim suis aculeis nervas ventriculi fibras vellicat & concutit, non tantum ipsius glandulis tenacius inhærentes humores amolitur, sanguini penitus immixtos liquando tenuat, & per varia incernicula, extrudit; sed & partium *claterem* spirituum *vaporos* languentem erigit; fractum præsertim cerebri vasorum tonum instigat, systolen adauget: inde stagnantes, morantes quassantur, teruntur, & protruduntur succi: restaurato sanguinis & lymphæ circuitu, impeditæ extricantur glandulæ compressæ spirituum orbitæ & tractus explcantur. Sed à purgatione in morbi primordio non avertat cruditatis metus, aut vana spes coctionis, quæ forsân futura non est. Dum enim viget natura, mitior Febris, lenior symptomata, non turgente tantum materiâ, sed urgente morbo, humor Febris pabulum, avellendus. Est ubi per medios ignes maturanda purgatio. Concocta enim medicanda esse, non cruda, nequè in principiis, malè intellectum, fallax est preceptum. Non enim coctus nocet humor, sed crudus. Coctum intellige fluidiorem redditum, secretum, à sanguinis fluento spontè in vias vacationi convenientes delabentem, cujus denique acumen & impetum natura fregit: crudum contra, salibus asperum, cum sanguine confusum, in vasis ferocientem, ægrè secernendum, & citò, ne in nobilem partem cæco impetu desiliat,

aut altius se infigar, exigendum. Nullus febre malignâ, in principiis, crudior morbus, nullus in quo cruda magis Febrilis materia. Sæpè non turget humor, sed urget morbus. Coctionem igitur non expectet otiosus & malè feriat Medici. Crudum licet, nunquam fatisciente naturâ subigendum humorem in ipsismet morbi incubulis adoriatur. Tantæ molis opus citius, tutius, certius depletis sufficienter saphenæ sectione vasis, & retorto sanguinis in cerebrum impetu, conficere mochlicum ratio comprobât, observationum genitor, & ferax usus evincit.

Ergò maligna Febri saphenæ sectio, Emeticum.

DOMINI DOCTORES DISPUTATURI.

M. Carolus-Ludovicus Liger.

*M. Petrus Roussin de Montabourg,
Consultarius Medicus Regis ordinarius,
nec non a-bis Regiique Nosocomii San-Germi in Layâ.*

*M. Michaël-Ludovicus Vernage,
Censor Regius, Actus Preses.*

*M. Joannes-Stephanus Guettard,
è Regiâ Scientiarum Academia.*

M. Acuilles-Franciscus Fontaine.

M. Jacobus-Antonius Millet.

M. Naualis-Maria de Gevigland.

*M. Joannes-Baptista-Ludovicus
Chomet, Medicus Regis ordinarius.*

*M. Michaël Péaget, Pharmacie
Professor designatus.*

Proponebat Parisiis, FRANCISCUS-NICOLAUS GAUTIER DU
ROCHER, Parisinus, Saluberrimæ Facultatis in Universitate Parisiensî
Baccalaureus, A. R. S. H. 1744. à sextâ ad meridiem.